

REGLUGERÐ um tollafgreiðslugjald.

1. gr.

Greiða skal í ríkissjóð tollafgreiðslugjald vegna tollmeðferðar á innfluttum vörum. Gjaldið skal fyrir hverja tollafgreiðslu annað hvort vera

1. hlutfall af tollverði innfluttrar vöru skv. 2. gr. eða
2. tiltekin fjárhæð fyrir hverja tollafgreiðslu skv. 3. gr.

Vörur sem tilgreindar eru í 4. gr. eru undanþegnar tollafgreiðslugjaldi.

2. gr.

Af öllum innfluttum vörum, öðrum en þeim sem um ræðir í 3. gr. eða undanþegnar eru tollafgreiðslugjaldi skv. 4. gr., skal greiða 1% tollafgreiðslugjald. Gjaldið skal lagt á tollverð innfluttrar vöru og gilda um ákvörðun tollverðs þar að lútandi ákvæði laga nr. 120/1976 um tollskrá o.fl. með síðari breytingum.

Nú nemur tollafgreiðslugjald, ákveðið skv. 1. mgr. þessarar greinar, lægri fjárhæð en tollafgreiðslugjald eins og það er ákveðið skv. 3. gr. og skal þá greiða tollafgreiðslugjald af vörum sem tilgreindar eru í aðflutningsskýrslu eða úttektarbeiðni, hafi vara verið sett í tollvöruhegningu samkvæmt ákvæðum 3. gr.

Séu vörur sem tollafgreiða skal samkvæmt aðflutningsskýrslu eða úttektarbeiðni ýmist gjaldskyldar skv. 2. eða 3. gr. skal 1% tollafgreiðslugjald skv. 1. mgr. þessarar greinar greitt af tollverði þeirra vara sem gjaldskyldar eru samkvæmt þessari grein, enda nái tollafgreiðslugjald þannig ákveðið lágmarksfjárhæð tollafgreiðslugjalds eins og það er ákveðið samkvæmt ákvæðum 3. gr. Að öðrum kosti skal tollafgreiðslugjald ákveðið skv. 3. gr.

3. gr.

Af eftirtöldum vörum sem tilgreindar eru í aðflutningsskýrslu eða úttektarbeiðni skal við tollafgreiðslu greiða 200 kr. tollafgreiðslugjald, en sé tollverð í aðflutningsskýrslu eða úttektarbeiðni samtals innan við 5 000 kr. skal greiða af þeim 50 kr., sbr. þó 3. mgr. 2. gr.:

1. Vörur sem falla undir I—IV flokk 1. gr. laga nr. 120/1976 um tollskrá o.fl. með síðari breytingum og ætlaðar eru til manneldis.
2. Vörur sem við innflutning eru tollfrjálsar skv. 1. gr. laga nr. 120/1976 um tollskrá o.fl. með síðari breytingum, án tillits til uppruna og ekki eru vörugjalds-skyldar skv. 1. gr. laga nr. 107/1978 um sérstakt tímabundið vörugjald með síðari breytingum.
3. Vörur sem flokkast undir tnr. 27.10.60 og 27.10.70.
4. Vörur sem við innflutning eru undanþegnar tolli og/eða sérstöku tímabundnu vörugjaldi skv. 11., 12., 17. og 21. tl. 3. gr. laga nr. 120/1976 um tollskrá o.fl. og 2. mgr. 5. gr. laga nr. 33/1980 um breyting á lögum nr. 107/1978 um sérstakt tímabundið vörugjald.

4. gr.

Undanþegnar tollafgreiðslugjaldi skv. 2. og 3. gr. reglugerðar þessarar eru eftirtaldar vörur:

1. Vörur sem tollfrjálsar eru skv. 2. gr., 1.—5. tl. og 42. tl. 3. gr. laga nr. 120/1976 um tollskrá o.fl. með síðari breytingum.
2. Vörur sem upprunnar eru í aðildarríkjum Fríverslunarsamtaka Evrópu og Efnahagsbandalagi Evrópu og við tollafgreiðslu eru undanþegnar tolli samkvæmt E-dálki 1. gr. laga nr. 120/1976 um tollskrá o.fl. með síðari breytingum eða undanþegnar eru tolli skv. 13. tl. 3. gr. sömu laga, enda séu við tollafgreiðslu vara þessara uppfyllt skilyrði auglýsingar nr. 680/1980 um sérstaka tollmeðferð vegna aðildar Íslands að Fríverslunarsamtökum Evrópu (EFTA) og samnings Íslands við Efnahagsbandalag Evrópu (EBE) og viðbótarbókun við þann samning vegna aðildar Grikklands að Efnahagsbandalagi Evrópu, sbr. auglýsingu nr. 287/1981 um breyting á henni.
3. Vörur sem tollmeðferð hljóta samkvæmt ákvæðum II—IV kafla laga nr. 47/1960 um tollvöruheymslur o.fl.
4. Sendingar sem pósthöfnir hafa heimild til að afhenda viðtakendum, án útgáfu aðflutningsskýrslu, sbr. 15. gr. laga nr. 120/1976 um tollskrá o.fl.

5. gr.

Tollafgreiðslugjald samkvæmt reglugerð þessari skal ekki teljast gjaldstofn við útreikning á sérstöku vörugjaldi sem innheimt er samkvæmt lögum nr. 107/1978 um sérstakt tímabundið vörugjald með síðari breytingum, en það myndar hins vegar stofn til söluskatts.

6. gr.

Hafi innflytjandi afhent til tollmeðferðar aðflutningsskjöl sem að öllu leyti fullnægja þeim skilyrðum sem þurfa að vera fyrir hendi til þess að unnt sé að tollafgreiða viðkomandi vöru þegar í stað, áður en reglugerð þessi öðlast gildi, skal varan tollafgreidd án greiðslu tollafgreiðslugjalds, en þó því aðeins að tollafgreiðslu sé lokið fyrir 9. mars 1982.

Tollafgreiðslugjald skal einnig greiða af vörum þeim sem gjaldskyldar verða samkvæmt reglugerð þessari og með leyfi tollyfirvalda hafa verið afhentar innflytjendum fyrir gildistöku reglugerðar þessarar gegn tryggingu fyrir greiðslu aðflutningsgjalda, sbr. m.a. 21. gr. laga nr. 120/1976 um tollskrá o.fl., nema fullnaðartollafgreiðsla eigi sér stað fyrir 1. maí 1982.

7. gr.

Tollafgreiðslugjald skv. 2. og 3. gr. skal innheimt við tollafgreiðslu með aðflutningsgjöldum og gilda um innheimtu og lögvernd þess, ákvæði laga nr. 47/1960 um tollvöruheymslur o.fl., laga nr. 59/1969 um tollheimtu og tolleftirlit og laga nr. 120/1976 um tollskrá o.fl. með síðari breytingum, svo og reglugerða og auglýsinga settra samkvæmt þeim.

8. gr.

Reglugerð þessi, sem sett er samkvæmt heimild í 1. og 2. gr. laga nr. 5 27. febrúar 1982 um breytta tekjuöflun ríkissjóðs vegna ráðstafana í efnahagsmálum, öðlast gildi frá og með 1. mars 1982.

Fjármálaráðuneytið, 27. febrúar 1982.

F. h. r.

Þorsteinn Geirsson.

Sigurgeir A. Jónsson.